



Broj: 05-16-4-6822-6/16
Sarajevo, 22.8.2016.godine

Na osnovu člana 70. i člana 89. Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14), ministar pravde Bosne i Hercegovine, donosi

ODLUKU **o dodjeli ugovora u postupku javne nabavke**

I

Dodjeljuje se ugovor ponuđaču „BOS-MONT“ d.o.o., Aleja Bosne Srebrene broj 87, 71000 Sarajevo u postupku javne nabavke usluga popravke i održavanja službenih vozila koja nisu pod garancijom marke Volkswagen.

II

Ponuđač iz tačke I ove odluke dostavio je najnižu cijenu u skladu sa članom 64. stava (1) tačka b) Zakona o javnim nabavkama Bosne i Hercegovine.

O b r a z l o ž e n j e

Ministarstvo pravde Bosne i Hercegovine je 15.07.2016.godine, pokrenulo konkurentski postupak nabavke usluga popravke i održavanja službenih vozila koja nisu pod garancijom marke Volkswagen, izvršilo objavu na portalu javnih nabavki Agencije za javne nabavke Bosne i Hercegovine (www.ejn.gov.ba) 02.08.2016.godine i uputilo najmanje tri poziva ponuđačima za učešće u nabavci.

Komisija za javne nabavke (u daljnjem tekstu Komisija) je konstatovala da je u propisanom roku za dostavljanje ponuda pristigle tri ponuda i to od sljedećih ponuđača:

1. „AC QUATTRO“ d.o.o. Sarajevo, Put života broj 1, 71000 Sarajevo;
2. „M.R.M“ d.o.o., Put za Međugorje b.b., 88320 Ljubuški;
3. „BOS-MONT“ d.o.o., Aleja Bosne Srebrene broj 87, 71000 Sarajevo.

Nakon analize i procjene dokumentacije priložene uz ponude, Komisija je utvrdila da dostavljena ponuda ponuđača „BOS-MONT“ d.o.o. ispunjava formalno-pravne i tehničke uslove navedene u tenderskoj dokumentaciji, a da ponude ponuđača „AC QUATTRO“ d.o.o. i „M.R.M“ d.o.o. ne ispunjavaju formalno-pravne i tehničke uslove navedene u tenderskoj dokumentaciji, te se kao takve smatraju neprihvatljivim.

Tačnije, u Aneksu 1. Obrazac za cijenu ponude, ponude ponuđača „AC QUATTRO“ d.o.o., u Tabeli A) tač. 1., 6., 7., 8., 10., 11. i 12., kao i Tabeli C) tač. 1., 6., 8., 11. i 12., cijene su iskazane u formi – (crtice) što nije u skladu sa Napomenom broj 2. Aneksa 1., a koja se odnosi na to da cijene moraju biti izražene u KM. Za svaku stavku u ponudi mora se navesti cijena tj. cijene moraju biti mjerljive, iskazivanje cijena u formi 0 (nule), - (crtice) ili gratisa neće biti prihvaćeno od strane ovog ugovornog tijela i ponuda kao takva će biti diskvalificirana.

Takođe, ponuđač „AC QUATTRO“ d.o.o. nije dostavio dokaze iz točke 3.2.6 tenderske dokumentacije prema kojoj su ponuđači bili obavezni priložiti važeći cjenovnik usluga sa jasnim normativima, odnosno iz kojeg je potpuno jasno koji troškovi spadaju u redovno, a koji u izvanredno održavanje i cjenovnik originalnih rezervnih dijelova (najčešćih kvarova uzimajući u obzir starost vozila), koji nisu navedeni u Aneksu 1.

Nadalje, u Aneksu 1. Obrazac za cijenu ponude, ponude ponuđača „M.R.M“ d.o.o., u Tabeli A) tač. 7. i 10., cijene su iskazane u formi 0 (nule) što nije u skladu sa Napomenom broj 2. Aneksa 1., a koja se odnosi na to da cijene moraju biti izražene u KM. Za svaku stavku u ponudi mora se navesti cijena tj. cijene moraju biti mjerljive, iskazivanje cijena u formi 0 (nule), - (crtice) ili gratisa neće biti prihvaćeno od strane ovog ugovornog tijela i ponuda kao takva će biti diskvalificirana.

Imajući u vidu navedeno, a s obzirom da je od tri pristigle ponude samo jedna prihvatljiva, odnosno da ispunjava formalno-pravne i tehničke uslove navedene u tenderskoj dokumentaciji, Komisija je preporučila ministru pravde Bosne i Hercegovine (Zapisnik broj: 18.6-16-4-7368-2/16 od 11.08.2016.godine u prilogu), da se u predmetu nabavke usluga popravke i održavanja službenih vozila koja nisu pod garancijom marke Volkswagen, donese odluku o dodjeli ugovora ponuđaču BOS-MONT“ d.o.o., Aleja Bosne Srebrene broj 87, 71000 Sarajevo.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavci i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od pet dana od dana kada je primio odluku, odnosno obavještenje o rezultatima.



Prilog:

- Zapisnik o ocjeni ponuda.

Dostaviti:

- Ponuđačima,
- a/a.